

四庫全書

集部

欽定四庫全書

集部

樂府詩集卷

三十二

詳校官庶吉士臣柳邁祖

助教臣常循覆勘

總校官知縣臣繆琪

校對官編修臣秦瀛

謄錄監生臣孫承基

欽定四庫全書

樂府詩集卷三十

宋 郭茂倩 輯

相和歌辭

四弦曲

古今樂錄曰張永元嘉技錄有四弦一曲
蜀國四弦是也居相和之末三調之首古
有四曲其張女四弦李延年四弦嚴卯四

弦三曲闕蜀國四弦節家舊有六解宋歌
有五解今亦闕

蜀國弦

梁簡文帝

銅梁指斜谷劍道望中區通星上分野作固下為都雅
歌因良守妙舞自巴渝陽城嬉樂盛劍騎鬱相趨五婦
行難至百兩好遊娛牲祈望帝祀酒醑蜀侯誅江妃納
重聘卓女愛將雛停弦時繫爪息吹治脣朱脫衫湔錦
浪回扇避陽鳥聞君握節返賤妾下城隅

同前

盧思道

西蜀稱天府由來擅沃饒雪

一作雲

浮玉壘夕日映錦城

朝南尋九折路東上七星橋琴心若易解令客豈難要

同前

李賀

楓香晚華靜錦水南山影驚石墜猿哀竹雲愁半嶺涼
月生秋浦玉沙鱗鱗光誰家紅淚客不忍過瞿塘

平調曲

古今樂錄曰王僧虔大明三年宴樂技錄

平調有七曲一曰長歌行二曰短歌行三
曰猛虎行四曰君子行五曰燕歌行六曰
從軍行七曰鞠歌行荀氏錄所載十二曲
傳者五曲武帝周西對酒文帝仰瞻竝短
歌行文帝秋風別日竝燕歌行是也其七
曲今不傳文帝功名明帝青青並長歌行
武帝吾年明帝雙桐並猛虎行燕趙君子
行左延年苦哉從軍行雉朝飛短歌行是

也其器有笙笛筑瑟琴箏琵琶七種歌弦
六部張永錄曰未歌之前有八部弦四器
俱作在高下遊弄之後凡三調歌弦一部
竟輒作送歌弦今用器又有大歌弦一曲
歌大婦織綺羅不在歌數唯平調有之即
清調相逢狹路間道隘不容車篇後章有
大婦織綺羅中婦織流黃是也張錄云非
管弦音聲所寄似是命笛理弦之餘王錄

所無也亦謂之三婦豔詩

長歌行

古詞

樂府解題曰古辭云青青園中葵朝露待
日晞言芳華不久當努力為樂無至老大
乃傷悲也魏改奏文帝所賦曲西山一何
高言仙道茫茫不可識如王喬赤松皆空
言虛詞迂怪難信當觀聖道而已若陸機
逝矣經天日悲哉帶地川則復言人運短

促當乘間長歌與古文合也崔豹古今註
曰長歌短歌言人壽命長短各有定分不
可妄求按古詩云長歌正激烈魏武帝燕
歌行云短歌微吟不能長晉傅玄艷歌行
云咄來長歌續短歌然則歌聲有長短非
關壽命也唐李賀有長歌續短歌蓋出於
此

青青園中葵朝露待日晞陽春布德澤萬物生光輝常

恐秋節至焜黃華葉衰百川東到海何時復西歸少壯
不努力老大徒傷悲

同前

古辭

仙人騎白鹿髮短耳何長導我上太華攬芝獲赤幢來
到主人門奉藥一玉箱主人服此藥身體一日康彊髮
白更黑延年壽命長崑崙山上亭皎皎雲間星遠望使
心思遊子戀所生驅車出北門遙觀洛陽城凱風吹長
棘天天枝葉傾黃鳥飛相追咬咬弄音聲竚立望西河

泣下沾羅纓

同前

魏明帝

靜夜不能寐耳聽衆禽鳴大城育狐兔高墉多鳥聲壞
宇何寥廓宿屋邪草生中心感時物撫劍下前庭翔
於階際景星一何明仰首觀靈宿北辰奮休榮哀彼失
羣鷺喪偶獨煢煢單心誰與侶造房孰與成徒然喟有
和悲慘傷人情余情偏易感懷罔增憤盈吐吟音不徹
泣涕沾羅纓

同前

傅玄

利害同根源賞下有甘鉤義門近口塘獸口出通侯撫
劍安所趨蠻方未順流蜀賊阻石城吳寇馮龍舟二軍
多壯士聞賊如見讎投身効知己徒生心所羞鷹隼厲
天翼耻與鷺雀遊成敗在縱者無令鷙鳥憂

同前

陸機

逝矣經天日悲哉帶地川寸陰無停晷尺波徒自尋

一作

豈徒年往迅勁矢時來亮急弦遠期鮮克及盈數固希
旋

全容華夙夜零體澤坐自堅茲物苟難停吾壽安得延
俛仰逝將過倏忽幾何間慷慨亦焉訢天道良自然但
恨功名薄竹帛無所宣迨及歲未暮長歌乘我閒

同前

謝靈運

條爍夕星流昱奕朝露團粲粲烏有停泣泣豈暫安徂
齡速飛電積節驚驚湍覽物起悲緒顧已識憂端朽貌
改鮮色悴容變系顏變改苟催促容色烏盤桓疊疊衰
期迫靡靡壯志闌既慙臧孫慨復愧揚子歎寸陰果有

逝尺素竟無觀幸賒道念感且取長歌懽

同前

梁元帝

當壚擅旨酒一卮堪十年無勞蜀山鑄扶授采金錢人
生行樂爾何處不留連朝為洛生詠夕作據梧眠忽茲
忘物我優游得自然

同前

沈約

連連無

一作舟

壑改微微市朝變來功嗣往迹莫武祖升

彥局塗頓遠策畱懼限奔箭拊戚狀驚瀾循休擬回電

歲去芳願違年來苦心薦春貌既移紅秋林豈停蒨一
倍茂陵道寧思柏梁宴長戢兔園情永別金華殿聲徽
無感簡丹青有餘絢幽篇且未調無使長歌倦

同前

春隰萋綠柳寒墀積皓雪依依往紀盈霏霏來思結思
結纏歲晏曾是掩初節初節曾不掩浮榮逐弦缺弦缺
更圜合君一作浮榮永沉滅色隨夏蓮變能與秋霜羣道
迫無異期賢愚有同絕銜恨豈云忘天道無甄別功名

識所職竹帛尋摧裂生外苟難尋坐為長歎設

同前

李白

桃李得日開榮華照當年東風動百物草木盡欲言枯
枝無醜葉涸水吐清泉大力運天地羲和無停鞭功名
不早著竹帛將何宣桃李務青春誰能貫白日富貴與
神仙蹉跎成兩失金石猶銷鑠風霜無久質畏落日月
後彊歡歌與酒秋霜不惜人倏忽侵蒲柳

同前

王昌齡

曠野饒悲風颼颼黃

一作多

蒿草繫馬停白楊誰知我懷

抱所是同袍者相逢盡衰

一作衰

老況登漢家陵南望長

安道下有枯樹根上有鼯

一作鼯

鼠窠高皇子孫盡千古

無人過寶玉頻發掘精靈其奈何人生須達命有酒且

長歌

鰕組篇

曹植

一曰鰕組篇樂府解題曰曹植擬長歌行

為鰕組

金匱要略卷三十一
卷三十一
鰕鮒遊潢潦不知江海流鶯雀戲藩柴安識鴻鵠遊世
事此誠明大德固無儔駕言登五岳然後小陵丘俯觀
上路人勢利口是謀讐言高念皇家遠懷柔九州撫劍而
雷音猛氣縱橫浮泛泊徒嗷嗷誰知壯士憂

短歌行二首六解

魏武帝

古今樂錄曰王僧虔技錄云短歌行仰瞻
一曲魏氏遺令使節朔奏樂魏文製此辭
自撫箏和歌歌者曰貴官彈箏貴官即魏

文也此曲聲制最美辭不可入宴樂樂府
解題曰短歌行魏武帝對酒當歌人生幾
何晉陸機置酒高堂悲歌臨觴皆言當及
時為樂也

對酒當歌人生幾何譬如朝露去日苦多

解一

慨當以慷

憂思難忘以何解愁唯有杜康

解二

青青子衿悠悠我心

但為君故沈吟至今

解三

明明如月何時可輟憂從中來

不可斷絕

解四

呦呦鹿鳴食野之苹我有嘉賓鼓瑟吹笙

五
解山不厭高水不厭深周公吐哺天下歸心
六
解

右一曲晉樂所奏

對酒當歌人生幾何譬如朝露去日苦多慨當以慷憂
思難忘何以解憂唯有杜康青青子衿悠悠我心呦呦
鹿鳴食野之苹我有嘉賓鼓瑟吹笙明明如月何時可
輟憂從中來不可斷絕越陌度阡枉用相存契濶談讌
心念舊恩月明星稀烏鵲南飛繞樹三匝何枝可依山
不厭高水不厭深周公吐哺天下歸心

右一曲本辭

同前六解

武帝

周西伯昌懷此聖德三分天下而有其二修奉貢獻臣

節不墜崇侯讒之是以拘繫

解一

後見赦原賜之斧鉞得

使征伐為仲尼所稱達及德行猶奉事殷論叙其美

解二

齊桓之功為霸之首九合諸侯一匡天下一匡天下不

以兵車正而不謫其德傳稱

解三

孔子所歎并稱夷吾民

受其恩賜與廟胙命無下拜小白不敢爾天威在顏咫尺

尺

四解

晉文亦霸躬奉天王受賜珪瓚桓鬯彤弓盧弓矢

千虎賁三千人

五解

威服諸侯師之者尊八方聞之名亞

齊桓河陽之會詐稱周王是其名紛葩

六解

右一曲晉樂所奏

同前六解

魏文帝

仰瞻帷幕俯察几筵其物如故其人不存

一解

神靈倏忽

棄我遐邇靡瞻靡恃泣涕連連

二解

呦呦鳴鹿銜草鳴麇

翩翩飛鳥挾子巢棲

三解

我獨孤覺懷此百離憂心孔疚

莫我能知四解人亦有言憂令人老嗟我白髮生一何早

五解長吟永嘆懷我聖考曰仁者壽胡不是保六解

右一曲魏樂所奏

同前

魏明帝

翩翩春鶯端集余堂陰匿陽顯節運自常厥貌淑美玄
衣素裳歸仁服德雌雄頡頏執志精專絜行馴良銜土
繕巢有式宮房不規自圓無矩而方

同前

傅玄

長安高城曾樓亭亭千雲四起上貫天庭蜉蝣何整行
如軍征蟋蟀何感中夜哀鳴虬蜉偷一作藥粲粲其榮
寤寐念之誰知我情昔君視我如掌中珠何意一朝棄
我溝渠昔君與我如影如形何意一去心如流星昔君
與我兩心相結何意今日忽然兩絕

同前

陸機

置酒高堂悲歌臨觴人生幾何逝如朝霜時無重至華
不再揚蘋以春暉蘭以秋芳來日苦短去日苦長今我

不樂蟋蟀在房樂以會興悲以別章豈曰無感憂為子
忘我酒既旨我看既臧短歌可詠長夜無荒

同前

張率

君子有酒小人鼓缶乃布長筵肆宴親友盛壯不留容
華易朽如彼槁葉有似過牖往日莫淹來期無久秋風
悴林寒蟬鳴柳悲自別深歡由顏厚豈云不樂與子同
壽我酒既盈我看伊阜短歌是唱孰知身後

同前

徐謙

窮通皆是運榮辱豈關身不願門前客省時逢故人意
氣青雲裏爽朗烟霞外不羨一囊錢唯重心襟會

同前

辛德源

馳射罷金溝戲笑上雲樓少妻鳴趙瑟侍妓嚙吳謳杯
度浮香滿扇舉細塵浮星河耿涼夜飛月艷新秋忽念
奔駒促彌欣執燭遊

同前

聶夷中

八月木蔭薄十葉三墮枝人生過五十亦已同此時朝

出東郭門嘉樹鬱參差暮出西郭門原草已離披南隣
好臺榭北鄰善歌吹榮華忽消歇四顧令人悲生死與
榮辱四者乃常期古人恥其名沒世無人知無言鬢似
霜無謂髮如絲耆年無一善何殊食乳兒

同前

李白

白日何短短百年苦易滿蒼穹浩茫茫萬劫太極長麻
姑垂兩鬢一半已成霜天公見玉女大笑億千場吾欲
攬六龍回車挂扶桑北斗酌美酒勸龍各一觴富貴非

所願為人駐積光

一作與人駐流光

同前六首

顧況

城邊路今人犁田替人墓岸上沙昔時江水今人家今人昔人共長歎四氣相催節回換明月皎皎入華池白雲離離度清漢

我欲昇天天隔霄我思渡水水無橋我欲上山山路險我欲汲井井泉遙越人翠被今何夕獨立沙邊江草碧紫鷺西飛欲寄書白雲何處逢來客

新繫青絲百尺繩。心在君家轆轤上。我心皎潔君不知。
轆轤一轉一惆悵。

何處春風吹曉幕。江南流水通朱閣。美人二八面如花。
泣向東風畏花落。

臨春風聽春鳥。別時多見時少。愁人夜永不得眠。

一作愁人

一夜不得眠 瑤井金繩相向曉。

軒轅皇帝初得仙。鼎湖一去三千年。周流三十六洞天。
洞中日月星辰連。騎龍駕景遊八極。軒轅弓劍無人識。

東海青童寄消息

同前

王建

人初生日初出上山
遲下山疾百年三萬六千朝夜裏
分將彊半日有歌有舞須早為
昨日健於今日時人家
見生男女好不知男女
催人老短歌行無樂聲

同前

張籍

青天蕩蕩高且虛
上有白日無根株
流光暫出還入地
催我少年不須臾
與君相逢忽寂寞
衰老不復如今樂

玉卮盛酒置君前再拜願君千萬年

同前二首

白居易

曛曛太陽如火色上行千里下一刻出為白晝入為夜
圓轉如珠住不得住不得可奈何為君舉酒歌短歌歌
聲苦詞亦苦四座少年君聽取今夕未竟明夕催秋風
纔往春風回人無根蒂時不駐朱顏白日相隨顏勸君
且彊笑一面勸君復彊飲一杯人生不得長歡樂年少
須臾老到來

世人求富貴多為身嗜欲盛衰不自由得失常相逐問
君少年日苦學將干祿負笈塵中遊抱書雪前宿布衾
不周體蒸茄纔充腹三十登宦途五十被朝服奴溫已
挾纊馬肥初食粟未敢議歡遊尚為名檢束耳目聾暗
後堂上調絲竹牙齒缺落時盤中堆酒肉彼來此已去
外餘中不足少壯與榮華相避如寒燠青雲去地遠白
日終天速終古無奈何短歌聽一曲

同前

陸龜蒙

爪牙在身上陷穽猶可制爪牙在胸中劒戟無所謂人
言畏猛虎誰是撩頭斃祇見古來心姦雄暗相噬

同前

僧皎然

古人若不死吾亦有所悲蕭蕭煙雨九原上白楊青松
墓者誰貴賤同一塵死生同一指人生在世共如此何
異浮雲與流水短歌行短歌無窮日已傾鄴宮梁苑徒
有名春草秋風傷我情何為不學金仙侶一悟空王無
死生

樂府詩集卷三十

欽定四庫全書

樂府詩集卷三十一

宋 郭茂倩 輯

相和歌辭

平調曲

銅雀臺

張正見

一曰銅雀妓鄴都故事曰魏武帝遺命諸
子曰吾死之後葬於鄴之西岡上與西門

豹祠相近無藏金玉珠寶餘香可分諸夫
人不命祭吾妾與伎人皆著銅雀臺臺上
施六尺牀下總帳朝晡上酒脯糒糒之屬
每月朝十五輒向帳前作伎汝等時登臺
望吾西陵墓田故陸機弔魏武帝文曰揮
清絃而獨奏薦脯糒而誰嘗悼總帳之冥
漠怨西陵之茫茫登雀臺而羣悲佇美目
其何望按銅雀臺在鄴城建安十五年築

其臺最高上有屋一百二十間連接榱棟
侵徹雲漢鑄大銅雀置於樓顛舒翼奮尾
勢若飛動因名為銅雀臺樂府解題曰後
人悲其意而為之詠也

淒涼銅雀晚搖落墓田通雲慘當歌日松吟欲舞風人
疏瑤席冷曲罷總帷空可惜年將淚俱盡望陵中

同前

荀仲舉

高臺秋色晚直望已淒然况復歸風便松聲入斷絃淚

逐梁塵下心隨團扇捐誰堪三五夜空對月光圓

同前

王無競

北登銅雀上西望青松郭總帳空蒼蒼陵田紛漠漠平生事已變歌吹宛猶昨長袖拂玉塵遺情結羅幕妾怨在朝露君恩豈中薄高臺曲未終曲終淚橫落

同前

鄭 愔

日斜漳浦望風起鄴臺寒玉座平生晚金罇妓吹闌舞餘依帳泣歌罷向陵看蕭索松風暮愁煙入井欄

同前

劉長卿

嬌愛更何日
高臺空數層
含啼映雙袖
不忍看西陵
漳河東流無復來
百花輦路為蒼苔
青樓月夜長
寂寞碧雲日暮空
徘徊君不見
鄴中萬事非
昔時古人何在
今人悲春風不逐
君王去
草色年年舊
宮路
宮中歌舞已浮雲
空指行人往來處

同前

賈至

日暮銅雀靜
西陵烏雀歸
撫絃心斷絕
聽管淚霏霏
靈

几臨朝奠空牀卷夜衣蒼蒼川上月應照妾魂飛

同前

羅隱

疆歌疆舞竟難勝
花落花開淚滿絳
祗合當年伴君死
免教憔悴望西陵

同前

薛能

魏帝當年銅雀臺
黃花深映棘叢開
人生富貴須回首
此地豈無歌舞來

同前

張氏琰

君王冥冥不可見
銅雀歌舞空徘徊
西陵嘖嘖悲宿鳥
空殿沈沈閉青苔
青苔無人跡
紅粉空相哀

同前

梁氏瓊

歌扇向陵開
齊行奠玉杯
舞時飛鶯列
夢裏片雲來
月色空餘恨
松聲暮更哀
誰憐未死妾
妾掩袂下銅臺

銅雀妓

謝朓

總帷飄井幹
樽酒若平生
鬱鬱西陵樹
詎聞歌吹聲
芳襟染淚迹
嬋娟空復情
玉座猶寂寞
况乃妾身輕

同前

何遜

秋風木葉落蕭瑟管絃清望陵歌對酒向帳舞空城寂
寂簷宇曠飄飄惟慢輕曲終相顧起日暮松柏聲

同前

劉孝綽

雀臺三五日歌吹似佳期定對西陵晚松風飄素帷危
絃斷更接心傷於此時何言畱客袂翻掩望陵悲

同前

江淹

武王去金閣英威長寂寞雄劍頓無光雜佩亦消爍秋

至明月園風傷白露落清夜何湛湛孤燭映蘭幕撫影
愴無從惟懷憂不薄瑤色行應罷紅芳幾為樂徒登歌
舞臺終成螻蟻郭

同前二首

王勃

妾本深宮妓曾城閉九重君王歡愛盡歌舞為誰容錦
衾不復裊羅衣誰再縫高臺西北望流涕向青松
金鳳鄰銅雀漳河望鄴城君王無處所臺榭若平生舞
筵紛可就歌舞儼未傾西陵松檟冷誰見綺羅情

同前

沈佺期

昔年分鼎地今日望陵臺一旦雄圖盡千秋遺令開綺羅君不見歌舞妾空來恩共漳河水東流無重迴

同前

喬知之

金閣昔分香鉛華不重妝空餘歌舞地猶是為君王哀弦調已絕艷曲不須長共看西陵暮秋烟生白楊

同前

王適

日暮銅雀迴幽聲

一作深

玉座清蕭森松柏姿望鬱綺羅

情君恩不再重妾舞為誰輕

同前

歐陽詹

蕭條登古臺回首黃金屋落葉不歸林高陵永為谷妝容徒自麗舞態態閱誰目惆悵總惟前歌聲苦於哭

同前

袁暉

君愛本相饒從來事舞胥那堪攀玉座腸斷望陵朝怨著情無主哀凝曲不調况臨松日暮悲吹坐蕭蕭

同前

劉商

魏王矜蛾眉美人美於玉高臺無晝夜歌舞竟未足盛

色如轉圓夕陽落深

一作空

谷仍令身沒後尚足平生愁

紅粉橫淚痕調弦空向屋舉頭君不在唯見西陵木玉

輦豈再來嬌鬟為誰綠那堪秋風裏更舞陽春曲曲終

一作罷

情不勝闌干向西哭臺邊生野草來去罨羅縠

復陵寢間雙雙見麋鹿

同前

李賀

佳人一壺酒秋容滿千里石馬卧新煙憂來何所似歌

聲且潛美陵樹風自起長裾壓高臺淚眼看花机

同前

吳燭

秋色西陵滿綠蕪繁絃

一作紅

急管彊歡娛長舒羅袖不

成舞却向風前承淚珠

同前

朱光弼

魏王銅雀妓日暮管絃清一見西陵樹悲心舞不成

同前

朱放

恨唱歌聲咽愁翻舞袖遲西陵日欲暮是妾斷腸時

同前

僧皎然

彊開樽酒向陵省憶得君王舊時歡不覺餘歌悲自斷
非關艷曲轉聲難

銅雀怨

馬戴

魏宮歌舞地蝶戲鳥還鳴玉座人難到銅臺雨滴平西
陵樹不見漳河草空生萬恨盡埋此徒懸千載名

同前

程氏長文

君王去後行人絕簫竽不響歌喉咽雄劍無威光彩沈

寶瑟零落金星滅
玉階寂寂墜秋露
月照當時歌舞處
當時歌舞人不迴
化為今日西陵灰

置酒高堂上

孔欣

置酒宴友生
高會臨疎櫺
芳俎列佳肴
山罍滿春青
廣樂充堂宇
絲竹橫兩楹
邯鄲有名倡
承間奏新聲
八音何寥亮
四座同懽情
舉觴發湛露
銜盃詠鹿鳴
觴謠可相娛
揚解意何榮
顧歡來義士
暢哉矯天誠
朝日不夕
盛川流常
宵征生猶懸
水溜死若波
瀾停當年
貴得意

何能競虛名

當置酒

梁簡文帝

置酒宴嘉賓
矚迴臨飛觀
絕嶺隔天餘
長嶼橫江半
日色花上綺
風光水中亂
三益既歲稔
四始方蔥粲

置酒行

李益

置酒命所歡
憑觴遂為戚
日往不再來
茲辰坐成昔
百齡非長久
五十將半百
胡為勞我形
已鬢復還白
西山鸞鶴顧
矯矯煙霧翮
明霞發金丹
陰洞潛水碧
安得凌

風羽嶮嶮駐靈魄兀然坐衰老慙嘆東陵柏

同前

陸龜蒙

落塵花片排香痕闌珊醉露棲愁魂洞庭波色惜不得
東風領入黃金罇千筠擲毫春譜大碧舞紅啼相唱和
安知寂寞西海頭青篴未垂孤鳳餓

長歌續短歌

李賀

長歌破衣襟短歌斷白髮秦王不可見旦夕成內熱渴
飲壺中酒飢拔隴頭粟淒淒四月蘭千里一時綠夜峰

何離離明月落石底徘徊沁石尋照出高峰外不得與
之遊歌成鬢先改

猛虎行

魏文帝

古辭曰飢不從猛虎食暮不從野雀棲野
雀安無巢遊子為誰驕魏明帝辭曰雙桐
生空枝枝葉自相加通泉溉其根玄雨潤
其柯古今樂錄曰猛虎行王僧虔技錄曰
荀錄所載明帝雙桐一篇今不傳樂府錄

題曰晉陸機云渴不飲盜泉水言從遠役
猶耿介不以艱險改節也又有雙桐生空
井亦出於此

與君媾新歡託配於二儀充列于紫微升降焉可知梧
桐攀鳳翼雲雨散洪池

同前

陸機

渴不飲盜泉水熱不息惡木陰惡木豈無枝志士多苦
心整駕肅時命杖策將遠尋飢食猛虎窟寒棲野雀林

日歸功未建時往歲載陰崇雲臨岸駭鳴條隨風吟靜
言幽谷底長嘯高山岑急絃無懦響亮節難為音人生
誠未易曷云開此襟眷我耿介懷俯仰愧古今

同前

謝惠連

貧不攻九疑玉倦不憇三危峰九疑有或當作號三危

無安容美物標費用志士厲奇蹤如何祇遠役王命宜
肅恭伐鼓功未著振旅何時從

同前

猛虎潛深山長嘯自生風人謂客行樂客行苦心傷

同前

儲光羲

寒亦不憂雪飢亦不食人人血豈不甘所惡傷明神太
室為我宅孟門為我鄰百獸為我膳五龍為我賓蒙馬
一何威浮江亦以仁綵章耀朝日牙爪雄武臣高雲逐
氣浮厚地隨聲震君能賈餘勇日夕長於親

同前

李白

朝作猛虎行暮作猛虎吟腸斷非關隴頭水淚下不為

雍門琴旌旗

一作旌旌

繽紛兩河道戰鼓驚山欲傾倒秦人

半作燕地囚胡馬鬣銜洛陽草一輸一失關下兵朝降

夕叛幽薊城巨鰲未斬海水動魚龍奔走安得寧頗似

楚漢時翻覆無定止朝過博浪沙暮入淮陰市張良未

遇韓信貧劉項存亡在兩臣暫到下邳受兵略來投漂

母作主人賢哲悽悽古如此今時亦棄青雲士有策不

敢犯龍鱗竄身南國避胡塵寶書長

一作玉

劍挂高閣金

鞍駿馬散故人昨日方為宣城客掣鈴交通二千石有

時六博快壯

一作寸

心遠牀三市呼一擲楚人每道張旭

奇心藏風雲世莫知三吳邦伯多

一作皆

顧眄四海雄俠

皆相推

一作兩追隨

蕭曹曾作沛中吏攀龍附鳳當有時漂

陽酒樓三月春楊花漠漠

一作茫

愁殺人胡人綠眼吹玉

笛吳歌白紵飛梁塵丈夫相見

一作到處

且為樂槌牛搗鼓

會衆賓我從此去釣東海得魚笑寄情相親

同前

韓愈

猛虎雖云惡亦各有匹儕羣行深谷間百獸望風低身

食黃熊父子食赤豹麋擇肉於熊羆肯視兔與狸正晝
當谷眠眼有百步威自矜無當對氣性縱以乖朝怒殺
其子暮還殮一作食其妃匹儕四散走猛虎還孤棲狐鳴
門四旁烏鵲從噪之出逐猴一作雅入居虎不知所歸誰
云猛虎惡中路正悲啼豹來銜其尾熊來攫其頤猛虎
死不辭但慙前所為虎兇無助死况如汝細微故當結
以信親當結以私親信且不保人誰信汝為

同前

南山北山樹冥冥猛虎白日遶林行向晚一身當道食
山中麋鹿盡無聲年年養子在深谷雌雄上山不相逐
谷中近窟有山林長向村家取黃犢五陵年少不敢射
空來林下看行跡

同前

李賀

長戈莫舂彊弩莫烹乳孫哺子教得生獬舉頭為城掉
尾為旌東海黃公愁見夜行道逢騶虞牛哀不平生何
用尺刀壁上雷鳴泰山之下婦人哭聲官家有程吏不

敢聽

同前

僧齊已

磨爾牙錯爾爪狐莫威兔莫狡飢來吞噬取腸飽橫行
不怕日月明皇天產爾為生獍前村半夜聞吼聲何人
按劍燈熒熒

雙桐生空井

季月對桐井新枝雜舊株晚葉藏栖鳳朝花拂曙烏還
看稚子照銀牀繫轆轤

--	--	--	--	--	--	--	--

欽定四庫全書

樂府詩集
卷三十一

樂府詩集卷三十一

欽定四庫全書

樂府詩集卷三十二

宋 郭茂倩 輯

相和歌辭

平調曲

君子行

古 辭

樂府解題曰古辭云君子防未然蓋言遠
嫌疑也又有君子有所思行辭旨與此不

同

君子防未然不處嫌疑間
瓜田不納履李下不正冠
嫂叔不親授長幼不比肩
勞謙得其柄和光甚獨難
周公下白屋吐哺不及餐
一沐三握髮後世稱聖賢

同前

陸機

天道夷且簡人道險而難
休咎相乘躡翻覆若波瀾
去疾苦不遠疑似實生患
近火固宜熱履冰豈惡寒
掇蜂滅天道拾塵惑孔顏
逐臣尚何有棄友馬足歎
福鍾恒

有兆禍集非無端天損未易辭人益猶可歎朗鑒豈遠
假取之在傾冠近情苦自信君子防未然

同前

梁簡文帝

君子懷琬琰不使涅塵淄從容子雲閣寂寞仲舒帷多
謝悠悠子管窺良可悲

同前

沈約

良御惑燕楚妙察亂澠淄隄傾由漏壤垣壞自危基
賈途或妄踐黨義勿輕持

同前

戴嵩

畫野依德星開鄜對廉水接越稱交讓連樹名君子數
非唯二失升階無三止探甑不疑塵正冠還避李寄言
蘧伯玉無為嗟獨恥

同前

僧齊己

聖人不生麟龍何瑞梧桐不高鳳凰何止吾聞古之有
君子行藏以時進退求己榮必為天下榮恥必為天下
恥苟進不如此亦何必用虛偽之文章取榮名而自美

燕歌行七解

魏文帝

樂府解題曰晉樂奏魏文帝秋風白日二
曲言時序遷換行役不歸婦人怨曠無可
訴也廣題曰燕地名也言良人從役於燕
而為此曲

秋風蕭瑟天氣涼草木搖落露為霜

解一

羣鷗辭歸鵲南

翔念吾客遊多思腸

解二

慊慊思歸戀故鄉君何淹留寄

他方

解三

賤妾堯堯守空房憂來思君不敢忘

解四

不覺淚

下霑衣裳援瑟鳴絃發清商

解五

短歌微吟不能長明月

皎皎照我牀

解六

星漢西流夜未央牽牛織女遙相望爾

獨何辜限河梁

解七

右一曲晉樂所奏

同前六解

魏文帝

別日何易會日難山川悠遠路漫漫

解一

鬱陶思君未敢

言寄書浮雲往不還

解二

涕零雨面毀形顏誰能憂懷獨

不歎

解三

耿耿伏枕不能眠披衣出戶步東西

解四

展詩清

歌聊自寬樂往哀來摧心肝悲風清厲秋氣寒羅帷徐

動經秦軒

五解

仰戴星月觀雲間飛鳥晨鳴聲可憐留

連顧懷不自存

六解

右一曲晉樂所奏

別日何易會日難山川悠遠路漫漫鬱陶思君未敢言
寄聲浮雲往不還涕零雨面毀容顏誰能懷憂獨不歎
展詩清歌聊自寬樂往哀來摧肺肝耿耿伏枕不能眠
披衣出戶步東西仰看星月觀雲間飛鶴晨鳴聲可憐

留連顧懷不能存

右一曲本辭

同前

魏明帝

白日晚晚忽西傾
霜露悽悽塗階庭
秋草捲葉摧枝莖
翩翩飛蓬常獨征
有似遊子不安寧

同前

陸機

四時代序逝

一作遠

不追寒風習習落
葉飛蟋蟀在堂露

盈墀念君遠

一作客

遊恒苦悲君何緬
然久不歸賤妾悠

悠心無違白日既沒明燈輝夜禽赴林匹鳥棲雙鳴關
關宿河湄憂來感物淚不稀非君之念思為誰別日一作
別何早會何遲

同前

謝靈運

孟冬初寒節氣成悲風入閨霜依庭杖蟬噪柳燕棲楹
念君行役怨邊城君何崎嶇久徂征豈無膏沐感鸛鳴
對酒不禁淚沾纓闌窓開幌弄秦箏調絃促柱多哀聲
遙夜明月鑒帷屏誰知河漢淺且清展轉思服悲明星

同前

謝靈運

四時推遷迅不停
三秋蕭瑟葉解輕
飛霜被野雁南征
念君客遊羈思盈
何為淹留無歸聲
愛而不見傷心情
朝日潛輝華燈明
林鵲同棲渚鴻并
接翮偶羽依蓬瀛
仇依旅類相和鳴
余獨何為志無成
憂緣物感淚沾纓

同前

梁元帝

燕趙佳人本自多
遼東少婦學春歌
黃龍戍北花如錦
玄菟城前月似蛾
如何此時別夫壻
金羈翠眊往交河

還聞入漢去燕營怨妾愁心百恨生漫漫悠悠天未曉
遙遙夜夜聽寒更自從異縣同心別偏恨同時成異節
橫波滿臉萬行啼翠眉暫斂千重結並海連天合不開
那堪春日上春臺唯見遠舟如落葉復看遙舸似行杯
沙汀夜鶴嘯羈雌妾心無趣坐傷離翻嗟漢使音塵斷
空傷賤妾燕南垂

同前

蕭子顯

風光遲舞出青蘋蘭條翠鳥鳴發春洛陽梨花落如雪

河邊細草細如茵，桐生井底葉交枝。今看無端雙鷺離，
五重飛樓入河漢。九華閣道暗清池，遥看白馬津上吏。
傳道黃龍征戍兒，明月金光徒一作從照妾。浮雲玉葉君
不知，思君昔去柳依依。至今八月避暑歸，明珠蠶繭登
勲機。鬱金香，鷓鴣特香衣。洛陽城頭雉欲曙，丞相府中烏
未飛。夜夢征人縫狐貉，私憐織婦裁錦緋。吳刀鄭錦絡
寒閨，夜被薄。芳年海上水中鳬，日暮寒夜空城雀。

同前

王 褒

初春麗日鶯欲嬌桃花流水沒河橋薔薇花開

一作開花百

重葉楊柳拂

一作覆

地散千條隴西將軍號都護樓蘭校

尉稱嫖姚自從昔別春鶯分經年一去不相聞無復漢

地長安月唯有漠北薊城雲淮南桂中明月影流黃機

上織成文充國行軍屢築營陽史討虜陷平城城下風

多能却陣沙中雪淺詎停兵屬國少婦猶年少羽林輕

騎散征行遙聞陌頭採桑曲猶勝邊地胡笳聲胡笳向

暮使人泣還使閨中空佇立桃花落杏花舒桐生井底

寒葉疎試為來看上林雁必有遙寄隴頭書

同前

庾信

代北雲氣晝昏昏千里飛蓬無復根寒雁丁丁

一作
啞啞渡

遼水桑葉紛紛落薊門晉陽山頭無箭竹疎勒城中乏
水源屬國征戍久離居陽關音信絕能疎願得魯連飛
一箭持寄思歸燕將書渡遼本自有將軍寒風蕭蕭生
水紋妾驚甘泉足烽火君陣漁陽少陣雲自從將軍出
細柳蕩子空牀難獨守盤龍明鏡餉秦嘉辟惡生香寄

韓壽春分驚來能幾日二月蠶眠不復久洛陽遊絲百丈連黃河春冰千片穿桃花顏色好如馬榆莢新開巧似錢蒲桃一杯千日醉無事九轉學神仙定取金丹作幾服能令華表得千年

同前

高適

漢家烟塵在西北漢將辭家破殘賊男兒本自重橫行天子非常賜顏色提金伐鼓下榆關旌旗逶迤碣石間校尉羽書飛瀚海單于獵火照狼山山川蕭條極邊土

胡騎憑陵雜風雨戰士軍前半死生美人帳下猶歌舞
大漠窮秋塞草衰孤城落日鬪兵稀身當恩遇常輕敵
力盡關山未解圍鐵衣遠戍辛勤久玉筋應啼別離後
少婦城南欲斷腸征人薊北空迴首邊風飄飄那可度
絕域蒼茫更何一作無所有殺氣三日作陣雲寒聲一夜傳
刁斗相省白刃血紛紛死節從來豈顧勲君不見沙場
征戰苦至今猶憶李將軍

同前

賈至

國之重鎮惟幽都東威九夷制北胡五軍精卒三十萬
百戰百勝擒單于前臨滹沱後沮水崇山沃野亘千里
昔時燕王重賢士黃金築臺從隗始倏忽興王定薊邱
漢家又以封王侯蕭條魏晉為橫流鮮卑竊據朝五州
我唐區夏餘十紀軍容武備赫萬祀彤弓黃鉞授元帥
墾耕大漠為內地季秋膠折邊草腓治兵羽獵因出師
十營萬隊連旌旗望之如火忽雷一作電馳匈奴懾竄窮
髮壯大荒萬里無塵飛隋家昔為天下宰窮兵黷武征

遼海南風不競多死聲鼓卧旗折黃雲橫六軍將士皆
死盡戰馬空鞍歸故營時遷道草天下平白環入貢滄
海清自有農夫已高枕無勞校尉重橫行

同前

陶翰

請君畱楚調聽我吟燕歌家在遼水頭邊風意氣多出
身為漢將正值戎未和雪中凌天山冰上渡交河大小
百餘戰封侯竟蹉跎歸來霸陵下故舊無相過雄劍委
塵匣空門唯雀羅王粲還趙女寶瑟付齊娥昔日不為

樂時哉今奈何

從軍行五首

王 粲

古今樂錄曰從軍行王僧虔云荀錄所載
左延年苦哉一篇今不傳樂府解題曰從
軍行皆軍旅辛苦之辭廣題曰左延年辭
云苦哉邊地人一歲三從軍三子到燉煌
二子詣隴西五子遠鬪去五婦皆懷身陳
伏知道又有從軍五更轉

從軍有苦樂但問所從誰所從神且武焉得久勞師相
公征關右赫怒震天威一舉滅獯虜再舉服羗夷西收
邊地賊忽若俯拾遺陳賞越丘山酒肉踰川坻軍中多
飲饒人馬皆溢肥徒行兼乘還空出有餘資拓地三千

里往返

一作反

一如

一作若

飛歌舞入鄴城所願獲無違晝

一作盡

日獻

一作處

大朝日暮薄言歸外參時明政內不廢

家私禽獸憚為犧良苗實已揮竊慕負鼎翁願厲朽鈍
姿不能效沮溺相隨把鋤犂熟覽夫子言信知所言非

涼

一作源

風厲秋節司典告詳刑我君順時發桓桓東南

征汎舟蓋長川陳卒被隰垌征夫懷親戚誰能無此

一作

戀

情拊衿

一作襟

倚舟檣眷言思鄴城哀彼東山人喟然

感鶴鳴日月不安處人誰獲恒

一作常

寧昔人從公旦一

徂輒三齡今我神武師暫

一作暫

往必速平棄余親睦恩

輸力竭忠貞懼無一夫用報我素餐誠夙夜自忤性思

逝若抽縈將秉先登羽豈敢聽金聲

從軍征遐路討彼東南夷方舟順廣川薄暮未安坻白

日半西山桑梓有餘暉蟋蟀夾岸鳴孤鳥翩翩飛征夫

心兩多

一作

懷惻

一作

悽愴令吾悲下船登高防草露

一作

治我衣迴身赴牀寢此愁當告誰身服干戈事豈得
戀所私即戎有受命茲理不可違

朝發鄴都橋暮濟白馬津逍遙河隄上左右望我軍連
舫踰萬艘帶甲千萬人率彼東南路將定一舉勲簪

運帷幃一由我聖君恨

一作

我無時謀譬言諸具官臣鞠

躬中堅內微畫無所陳許歷為完士一言猶

一作

敗秦

我有素餐責誠愧伐檀人雖無鉛刀用庶幾奮薄身

悠悠涉荒路靡靡我心愁四望無烟火但見林與丘城

郭生榛棘蹊徑無所由蕉蒲竟廣澤葭葦夾長流日夕

涼風發翩翩漂吾舟寒蟬在樹鳴鸛鵲摩天遊一作游客

子多悲傷淚下不可收朝入譙郡界曠然消人憂雞鳴

達四境黍稷盈原疇館宅充廛一作里女士一作士女滿壯

廼自非聖賢國誰能享斯休詩人美樂土雖客猶願留

同前

陸機

苦哉遠征人飄飄窮四遐

一作窮
西河

南涉五嶺巔北戍長

城阿谿谷

一作深
一作深谷
一作遼

無底崇山鬱嵯峨奮臂攀喬木

振迹涉流沙隆暑固已慘涼風嚴且苛夏條焦

一作集鮮

藻寒冰結衝波胡馬如雲屯越旗亦羅羅飛峰無絕影

鳴鏑自相和朝餐不免胄夕息常負戈苦哉遠征人拊

心悲如何

同前

顏延年

苦哉遠征人畢力幹時艱秦初略揚越漢時爭陰山地

廣旁無界岳阿上虧天嶠霧下高鳥冰沙固流川秋飈
冬未至春液夏不涓閨烽指荆吳胡埃屬幽燕橫海咸
飛驪絕漠皆控弦馳檄發章表軍書交塞邊接鎬赴陣
首卷甲起行前羽驛馳無絕旌旗晝夜懸卧伺金柝響
起候亭隧烟遯矣遠征人惜哉私自憐

同前二首

梁簡文帝

貳師惜善馬樓蘭貪漢地前年出右地今歲謝輪臺魚
雲望旗聚龍沙隨陣開冰城朝鎔鐵地道夜銜枚將軍

號令密天子璽書催何時反舊里遙見下機來

雲中亭障

一作障

羽檄驚甘泉烽火通夜明貳師將軍新

築營嫖姚校尉初出征復有山西將絕世愛

一作受

雄名

三門應遁甲五壘學神兵白雲隨陣

一作希

色蒼山答鼓

聲迤邐觀鵞翼參差覩雁行先平小月陣却滅大宛城

善馬還長樂黃金付水衡小婦趙人能鼓瑟侍婢初笄

解鄭聲庭前桃花

一作柳絮

飛已

一作欲

合必紅妝來來起迎

一作起
見迎

同前

梁元帝

寶劍飾龍淵長虹畫彩船
山虛和鏡管水淨寫樓船
連雞隨火度燧象帶烽然
洞庭晚風急瀟湘夜月圓
荀令多文藻臨戎賦雅篇

同前

沈約

惜哉征夫子憂恨良獨多
浮天出鯁海東馬渡交河
雲縈九折嶺風卷萬里波
維舟無夕島秣馬發平莎
凌濤富驚沫援木闕垂蘿
紅飈鳴疊嶼流雲照層阿
玄埃晦

朔馬白日照吳戈寢興流征怨寤寐起還歌晨裝豈輟
驚夕壘詎淹和苦哉遠征人悲矣將如何

同前

戴嵩

長安夜刺閨胡騎白銅鞮詔書發隴右召募取關西劍
懸三尺鞘鎧暴七重犀督軍鳴戰鼓遑夜數更輦侵星
出柳塞際晚入榆溪秦涇含藥鴆晉火逐飛雞通泉開地
道望敵豎雲梯陰山日不暮長城風自淒弓寒折錦
韉馬凍滑斜蹄燕旗竿上晚羌笛管中嘶登山試下趙

憑軾且平齊當今函谷上唯見一凡泥

同前

吳均

男兒亦可憐立功在北邊陣頭橫却月馬腹帶連錢懷
戈發隴坻乘凍至遼邊微誠君不愛終自直如弦

同前二首

江淹

樽酒在征人踟躕在親宴日暮浮雲滋握手淚如霰悠
悠清水天嘉魴得所薦而我在萬里結友不相見袖中
有短書願寄雙飛雁

從軍出隴北長望陰山雲涇渭各異流恩愛於此分故人贈寶劍鏤以瑤華文一言鳳獨立再說鸞無羣何得晨風起悠哉凌翠氛黃鵠去千里垂涕一作淚為報君

同前

蕭子顯

左角明王侵漢邊輕薄良家惡少年縱橫向沮澤凌厲取山田黃塵不見景飛蓬恒滿天邊功封浞野竊寵劫祁連春風春月將進酒妖姬舞女亂君前

同前

劉孝義

冠軍親俠射長平自合圍木落彫弓燥氣秋征馬肥賢
王皆屈膝幕府復申威何謂從軍樂往返速如飛

同前

張正見

胡兵屯薊北漢將出山西故人輕百戰聊欲定三齊風
前噴畫角雲上舞飛梯雁塞秋聲遠龍沙雲路迷燕然
自可勒函谷詎須沉

將軍定朔邊刁斗出祁連高柳橫長塞榆關接遠天井
泉含陣竭風火映山然欲知客心斷旄旌萬里懸

同前

趙王

一作周趙

遼東烽火照甘泉
薊北亭障接燕然
水凍菖蒲未生節
關寒榆葉不成錢

同前

庾信

河圖論陣氣金匱
辨星文地中鳴鼓
角天上下將軍函
犀恒七屬浴鐵本
千羣飛梯聊度絳
合弩暫凌汾冠陣
先中斷妖營即兩
分連烽對嶺度嘶
馬隔河聞箭飛如
疾雨城崩似壞雲
英王於此戰何用
武安君

同前二首

王 褒

兵書久閑習，征戰數曾經。
講戎平樂觀，學戲羽林亭。
西征度踈勒，東驅出井陘。
牧馬濱長渭，營軍毒上涇。
平雲如陣色，半月類城形。
羽書封信璽，詔使動流星。
對岸流沙白，緣河柳色青。
將幕恒臨斗，旌門常背刑。
勲封瀚海石，功勒燕然銘。
兵勢因麾下，軍圖送掖庭。
誰憐下玉筋，向暮掩金屏。

黃河流域水急，驄馬送征人。
谷望河陽縣，橋度小平津。
年

一作
惡

少多遊俠結客好輕身代風愁櫪馬胡霜宜角筋
羽書勞警言急邊鞍倦苦辛康居因漢使盧龍稱魏臣荒
戍唯看柳邊城不識春男兒重意氣無為羞賤貧

同前

盧思道

朔方烽火照甘泉長安飛將出祁連羣渠玉劒良家子
白馬金羈俠少年平明偃月屯右地薄暮魚麗逐左賢
谷中石虎經銜箭山上金人曾祭天天涯一去無窮已
薊門迢遞三千里朝見馬嶺黃沙合夕望龍城陣雲起


庭中奇樹已堪攀塞外征人殊不還白雲初下天山外
浮雲直向五原間關山萬里不可越誰能坐對芳菲月
流水本自斷人腸堅冰舊來傷馬骨邊庭節物與華異
冬霰秋霜春不絕長風蕭蕭渡水來歸雁連連映天沒
從軍行軍行萬里出龍庭單于渭橋今已拜將軍何處
覓功名

同前

明餘慶

三邊風亂驚十萬且橫行風卷常山陣笳喧細柳營劒

花寒不落弓月曉逾明會取淮南地特作朔方城



樂府詩集卷三十二

欽定四庫全書

集部

樂府詩集卷三十五

詳校官庶吉士臣柳邁祖

助教臣常循覆勘

總校官知縣臣繆琪

校對官編修臣秦瀛

謄錄監生臣孫承基

欽定四庫全書

樂府詩集卷三十三

宋 郭茂倩 輯

相和歌

平調曲

從軍行二首

虞世南

塗山烽火驚弭節
度龍城
冀馬樓蘭將燕犀
上谷兵劒
寒花不落弓
曉月逾明凜凜
嚴霜節冰壯
黃河絕蔽日

卷征蓬浮雲散飛雪全兵值月滿精騎乘膠折結髮早
馳驅辛苦事旄麾馬凍重關冷輪摧九折危獨有西山
將年年屬數奇

燿

一作
烽

火發金微連營出武威孤城寒雲起絕陣虜塵

飛俠客吸龍劍惡少絢胡衣朝摩骨都壘夜解谷蠡圍
蕭關遠無極蒲海廣難依沙磴離旌斷晴川候馬蹄交
河梁已畢燕山旆欲飛方知萬里相候服有光輝

同前

駱賓王

平生一顧念

一作重

意氣溢三軍野日分戈影天星合劍

文弓弦抱漢月馬足踐胡塵不求生入塞唯當死報君

同前

劉希夷

秋來風瑟瑟羣胡馬行疾嚴城晝不開伏兵暗相失天
子廟堂拜將軍玉門出紛紛伊洛間戎馬數千匹軍門
壓黃河兵氣衝白日平生懷伏劍慷慨既投筆南登漢
月孤北走燕雲密近取韓彭計早知孫吳術丈夫清萬
里誰能掃一室

同前

喬知之

南庭結白露北風掃黃葉此時鴻雁來驚鳴催思妾曲
房理針線平砧擣文練鴛綺裁易成龍鄉信難見窈窕
九重閨寂寞十年啼紗窓白雲宿羅幌月光棲雲月曉
微微愁思流黃機玉霜凍珠履金吹薄羅衣漢家已得
地君去將何事宛轉結蠶書寂寞無雁使生平荷恩信
本為容華進況復落紅顏蟬聲催綠鬢

同前

李頎

白日登山望烽火，昏黃飲馬傍交河。
行人刁斗風砂暗，公主琵琶幽怨多。
野雲萬里無城郭，雨雪紛紛連大漠。
胡雁哀鳴夜夜飛，胡兒眼淚雙雙落。
聞道玉門猶被遮，應將性命逐輕車。
年年戰骨埋荒外，空見葡萄入漢家。

同前三首

李約

看圖閒教陣畫地，靜論邊烏壘。
天西戍鷹姿，塞上川路長。
須臾日書遠，每題年無復。
生還望翻思，未別前

柵高三面，鬪筌前盡舉。
烽頻營柳和烟暮。
關榆帶雪春邊

城多老將磧路少歸人點盡三河卒年年添塞塵
候火起雕塵塵砂擁戰聲遊軍蔽漢幟降騎說蕃情霜
降灑池淺秋深太白明嫫姚方虎視不覺請添兵

同前

戎昱

昔從李都尉雙韃照馬蹄擒生黑山北殺敵黃雲西太
白沈虜地邊草復萋萋歸來邯鄲市百尺青樓梯感激
然諾重平生膽力齊芳筵暮發歌艷粉輕鬟低半醉秋
風起鐵騎門前嘶遠戍報烽火孤城嚴鼓鼙揮鞭望塵

去火婦莫含啼

同前

厲玄

邊草草不春
釵花增薄塵
廣場收驥尾
清瀚怯龍鱗
帆色已歸越
松聲厭避秦
幾時逢范蠡
處處是通津

同前二首

李白

從軍玉門道
逐虜金微山
笛奏梅花曲
刀開明月環
鼓聲鳴海上
兵氣擁雲間
願斬單于首
長驅靜鐵關

百戰沙場碎
鐵衣城南已
合數重圍
突營射殺呼延將

獨領殘兵千騎歸

同前

王維

吹角動行人喧喧行人起
笳鳴馬嘶亂爭渡金河水
日暮沙漠垂戰聲烟塵裏
盡繫名王頸歸來報天子

同前

王昌齡

向夕臨大荒朔風軫歸慮
平沙萬里餘飛鳥宿何處
虜騎獵長原翩翩傍河去
邊聲搖白草海氣生黃霧
百戰苦風塵十年履霜露
雖投定遠筆未坐將軍樹
早知行

路難悔不理章句

烽火城西百尺樓黃昏獨上海風秋更吹橫笛關山月
誰解金閨萬里愁

琵琶起舞換新聲總是關山舊別情撩亂邊愁彈不盡
高高秋月照長城

青海長雲暗雪山孤城遙望雁一作玉門關黃沙百戰穿
金甲不破樓蘭誓不還

同前

盧綸

二十在邊城軍中得勇名卷旗收敗馬斷磧擁殘兵覆

陣烏鳶起燒山草木明

一作鳴

塞間思遠獵師老厭分營

雪嶺無人跡冰河足

一作有

雁聲李陵甘北沒惆悵漢公

卿

同前六首

劉長卿

迴看虜騎合城下漢兵稀白刃兩相向黃雲愁不飛手
中無尺鐵徒欲突重圍

落日更蕭條北方動枯草將軍追虜騎夜失陰山道戰

敗仍樹勲韓彭但空老

草枯秋塞上望見漁陽郭胡馬嘶一聲漢兵淚雙落誰
為吮癰者此事今人薄

目極雁門道青青邊草春一身事征戰匹馬同辛勤末
路成白首功歸天下人

倚劍白日暮望鄉登戍樓北風吹羌笛此夜關山愁迴
首不無意潯河空自流

黃沙一萬里白首無人憐報國劍已折歸鄉身幸全單

于古臺下邊色寒蒼然

同前

杜 顥

秋草馬蹄輕角弓持弦急去為龍城候正值胡兵襲軍
氣橫大荒戰酣日將入長風金鼓動白霧鐵衣濕四起
愁邊聲南轅時佇立斷蓬孤自轉寒雁飛相及萬里雲
沙漲路平冰霰溢夜聞漢使歸獨向刀環泣

同前

僧皎然

候騎出紛紛元戎霍冠軍漢鞞秋貼地羌火晝燒雲萬

里戎城合三邊羽檄分烏孫驅未盡肯顧遼陽勲

漢旆拂丹霄漢軍新破遼紅塵驅鹵簿白羽擁嫖姚戰

苦軍猶樂功高將不驕至今丁令塞朔吹空蕭蕭

百萬逐呼韓頻年不解鞍兵屯絕漠暗馬飲濁河乾破

虜功未錄勞師力已殫須防肘腋下飛禍出無端

飛將下天來奇謀闔外裁冰心龍劒動地肺雁山開望

氣燕師銳當鋒虜陣摧從今射鵬騎不敢過雲堆

黃紙君王詔青泥校尉書誓師張虎落選將擐犀渠霧

暗津浦失天寒塞柳疎橫行十萬騎欲掃虜塵餘

同前

王建

漢軍逐單于日沒處河曲浮雲道傷起行子車上宿槍

城圍鼓角羶帳依山谷馬上懸壺漿刀頭分頓肉來時

高堂上父母親結束回

一作而

首不見家風吹破衣服金

瘡生肢節相與拔

一作取

箭鏃聞道西涼州家家婦人哭

同前

張祐

少年金紫就光輝直指邊城虎翼飛一卷旌

一作旄

收千

騎虜萬全身出百重圍黃雲斷塞尋鷹去白草連天射
雁歸白首漢廷刀筆吏丈夫功業本相依

同前五首

令狐楚

荒雞隔水啼汗馬逐風嘶終日隨旌旆何時罷鼓鼙
孤心眠夜雪滿眼是秋沙萬里猶防塞三年不見家
却望冰河潤前登雪嶺高征人幾多在又擬戰臨洮

胡風千里驚漢月五更明縱有還家夢猶聞出塞身

一作

聲

算雪連青海陰雲覆白山可憐班定遠出入玉門關

同前三首

王維

旌甲從軍久風雲識陣難今朝韓信計日下斬成安

燕頤多奇相狼頭敢犯邊寄言班定遠正是立功年

旄頭夜落捷書飛來奏金門著賜衣白馬將軍頻破鏑

黃龍戍卒幾時歸

從軍五更轉五首

伏知道

樂苑曰五更轉商調曲按伏知道已有從

軍辭則五更轉蓋陳已前曲也

一更刁斗鳴校尉連連城遙聞射鵰騎懸憚將軍名
二更愁未央高城寒夜長試將弓學月聊持劍比霜
三更夜警新橫吹獨吟春彊聽梅花落誤憶柳園人
四更星漢低落月與雲齊依稀北風裏胡笳雜馬嘶
五更催送壽曉色映山頭城烏初起堞更人悄下
樓

從軍有苦樂行

李益

魏王粲從軍行曰從軍有苦樂但問所從
誰因以為題也

勞者且勿歌我欲送君觴從軍有苦樂此曲樂未央僕

本居

一作起

隴上隴水斷人腸東過秦宮路宮路入咸陽

時逢漢帝出諫獵至長楊詎馳游窟窟非結少年場一

旦承嘉惠輕命重恩光秉筆參帷帟從軍至朔方邊地

多陰風草木自淒涼斷絕海雲去出沒胡沙長參差引

雁翼隱鱗騰軍裝劒文夜如水馬汗凍成霜俠氣五都

少矜功六郡良山河起目前睚眦死路傍北逐驅獠虜
西臨復舊疆昔還賦餘資今乃出贏糧一矢致夏服我
弓不再張寄言丈夫雄苦樂身自當

苦哉遠征人

鮑溶

晉陸機從軍行曰苦哉遠征人飄飄窮四
遐宋顏延年從軍行曰苦哉遠征人畢力
幹時艱蓋苦天下征伐也又有苦哉行遠
征人皆出於從軍行也

征人歌古曲，攜手上河梁。
李陵死別處，杳杳玄冥鄉。
憶昔從此路，連年征鬼方。
行迷漢歷三三洗，羶衣裳，百戰身且在。
微功信難忘，遠承雲臺議，非勢孰敢當。
落日弔李廣，白身過河陽。
閑弓失月影，勞劍無龍光。
去日欲束髮，今來髮成霜。
虛名乃閒事，生見父母鄉。
掩抑大風歌，徘徊少年場。
誠哉古人言，烏盡良弓藏。

苦哉行五首

戎昱

彼鼠侵我厨，縱狸授梁肉。
鼠雖為君却，狸食自須足。
冀

雪大國恥翻是大國辱羶腥逼綺羅埽瓦雜珠玉登樓
非騁望目笑是心哭何意天樂中至今奏胡曲

官軍收洛陽家住洛陽里夫婿與兄弟目前見傷死吞
聲不許哭還遣衣羅綺上馬隨匈奴數秋黃塵裏生為
名家女死作塞垣鬼鄉國無還期天津哭流水

登樓望天衢目極淚盈睫彊笑無笑容須妝舊花豔昔
年買奴僕奴僕來碎葉豈意未死間自為匈奴妾一生
忽至此萬事痛苦業得出塞垣飛不如彼蜂蝶

妾家青河邊七葉承貂蟬身為最小女偏得渾家憐親
戚不相識幽閨十五年有時最遠出祇到中門前前年
狂寇來懼死翻生全今秋官軍至豈意遭戈鋌匈奴為
先鋒長鼻黃髮拳彎弓獵生人百步牛羊羶脫身落虎
口不及歸黃泉苦哉難重陳暗哭蒼蒼天

可汗奉親詔今月歸燕山忽如亂刀劍攬妾心腸間出
戶望北荒迢迢玉門關生人為死別有去無時還漢月
割妾心胡風凋妾顏去去斷絕魂叫天天不開

遠征人

王 褒

黃河流水急驅馬送征人
谷望河陽縣橋渡小平津

鞠歌行

陸 機

古今樂錄曰王僧虔技錄平調又有鞠歌
行今無歌者陸機序曰按漢宮閣有含章
鞠室靈芝鞠室後漢馬防第宅卜臨道連
閣通池鞠城彌於街道鞠歌將謂此也又
東阿王詩連騎擊壤或謂韞鞠乎三言七

言雖奇寶名器不遇知己終不見重願逢
知己以託意焉

朝雲升應龍攀乘風遠遊騰雲端鼓鐘歌豈自歡急弦
高張思和彈時希值年風愆循已雖易人知難王陽登
貢公歡罕生既沒國子歎嗟千載豈虛言邈矣遠念情
愴然

同前

謝靈運

德不孤兮必有鄰唱和之契冥相因譬言如虬虎兮來風

雲亦如形聲影響陳心歡賞今歲易淪隱玉歲彩疇識
真叔牙顯夷吾親郢既沒匠寢斤覽古籍信伊人永言
知己感良辰

同前

謝惠連

翔馳騎伯樂不舉誰能知南荆壁萬金貫卞和不斷與
石離年難留時易隕厲志莫賞徒勞疲沮齊音溺趙吹
匠石善運郢不危古綿恥理參差單心慷慨雙淚垂

同前

李白

玉不自言如桃李魚目笑之卞和恥楚國青蠅何太多
連城白壁遭讒毀荆山長號泣血人忠臣死為刖足鬼
聽曲知竄威夷吾因小妻秦穆五羊皮買死百里奚洗
拂青雲上當時賤如泥朝歌鼓刀手虎變蟠溪中一舉
釣六合遂荒營邱東平生渭水曲誰識一作數此老翁奈
何今之人雙目送征一作飛鴻

清調曲

古今樂錄曰王僧虔技錄清調有六曲一

苦寒行二豫章行三董逃行四相逢狹路
間行五塘上行六秋胡行荀氏錄所載九
曲傳者五曲晉宋齊所歌今不歌武帝北
上苦寒行上謁董逃行蒲生上行晨上願
登竝秋胡行是也其四曲今不傳明帝悠
悠苦寒行古辭白楊豫章行武帝白日董
逃行古辭相逢狹路間是也其其器有笙
笛下聲弄高弄遊弄簾節琴瑟箏琵琶八

種歌弦四弦張永錄云未歌之前有五部
弦又在弄後晉宋齊止四器也

苦寒行二首六解

魏文帝

樂府解題曰晉樂奏魏武帝北上篇備言
冰雪谿谷之苦其後或謂之北上行蓋因
武帝辭而擬之也

北上太行山艱哉何巍巍太行山艱哉何巍巍羊腸坂
詰屈車輪為之推解樹木何蕭瑟北風聲正悲何蕭瑟

北風聲正悲熊羆對我蹲虎豹夾道啼

二解

谿谷少人民

雪落何霏霏少人民雪落何霏霏延頸長歎息遠行多

所懷

三解

我心何怫鬱思欲一東歸何怫鬱思欲一東歸

水深橋梁絕中道正徘徊

四解

迷惑失徑路暝無所宿棲

失徑路暝無所宿棲行行日已遠人馬同時飢

五解

擔囊

行取薪斧冰持作糜擔囊行取薪斧冰持作糜悲彼東

山詩悠悠使我哀

六解

右一曲晉樂所奏

北上太行山艱哉何巍巍羊腸坂詰屈車輪為之摧樹
木何蕭瑟北風聲正悲熊羆對我蹲虎豹夾路啼谿谷
少人民雪落何霏霏延頸長歎息遠行多所懷我心何
怫鬱思欲一東歸水深橋梁絕中路正徘徊迷惑失故
路薄暮無宿棲行行日已遠人馬同時飢擔囊行取薪
斧冰持作糜悲彼東山詩悠悠令我哀

右一曲本辭

苦寒行五解

魏明帝

悠悠發洛都并我東征行悠悠發洛都并我東征行征

行彌二旬屯吹龍陂城

解一

顧觀故壘處皇祖之所營故

壘處皇祖之所營屋室若平昔棟宇無邪傾

解二

奈何我

皇祖潛德隱聖形我皇祖潛德隱聖形雖沒而不朽書

貴垂休名

解三

光光我皇祖軒曜同其榮我皇祖軒曜同

其榮遺化海四海八表以肅清

解四

雖有吳蜀寇春秋足

耀兵徒悲我皇祖不永享百齡賦詩以寫懷伏軾淚霑

纓

解五

右一曲晉樂所奏

同前

陸機

北遊幽朔城涼野多險艱俯入穹谷底仰陟高山盤凝
冰結重澗積雪被長巒陰雲興巖側悲風鳴樹顛不覩
白日影但聞寒鳥嚙猛虎憑林嘯玄猿臨岸歎夕宿喬
木下慘一作
愴慘恒鮮歡渴飲堅冰漿饑待一作
飢食零露餐
離思固已矣寤寐莫與言劇哉行役人慊慊恒苦寒

同前

謝靈運

歲歲曾冰食紛紛霰雪落浮陽滅清暉寒禽叫悲壑飢
爨烟不興渴汲水枯涸

前苦寒行二首

杜甫

漢時長安雪一丈牛馬毛寒縮如蜎楚江巫峽冰入懷
虎豹哀號又堪記秦城老翁荆揚客慣習炎蒸歲絺綌
玄冥祝融氣或交手持白羽未敢釋

去年白帝雪在山今年白帝雪在地凍埋蛟龍南浦縮
寒刮肌膚北風利楚人四時皆麻衣楚天萬里無晶輝

三足之鳥足恐斷義和送將安所歸

後苦寒行二首

杜甫

南紀巫廬瘴不絕太古已來無尺雪蠻夷長老怨苦寒
崑崙天關凍應折玄猿口噤不能嘯白鵲翅垂眼流血
安得春泥補地裂

晚來江門失大木猛風中夜吹白屋天兵斷斬青海戎
殺氣南行動坤軸不爾苦寒何太酷巴東之峽生凌澌

彼蒼迴軒人得知

海一作梅

苦寒行

劉 駕

嚴威動八荒，刺刺無休時。
陽鳥不自暖，雪壑扶桑枝。
歲暮寒益壯，青春安得歸。
朔雁到南海，越禽何處飛。
誰言貧士歎，不為身無衣。

同前

僧貫休

北風北風職何嚴，毒摧壯士心。
縮金烏足凍，雲鬣鬣凝雪。
一片下不得，聲遶枯桑根。
在沙塞黃河徹底，頑直到海。
一氣搏束萬物無態，唯有吾庭前。
杉松樹枝枝健。

在

同前

僧齊己

冰峰撐空寒矗矗
雲凝水凍埋海陸
殺物之性傷人之
德既不能斷絕
疾藜荆棘之根株
又不能展鳳凰麒麟
之拳跼如此則何如
為和煦為膏雨
自然天地之榮枯
融融於萬戶

吁嗟篇

曹植

樂府解題曰曹植擬苦寒行為吁嗟

吁嗟此轉蓬居世何獨然長去本根逝夙夜無休閒東
西經七陌南北越九千卒遇回風起吹我入雲間自謂
終天路忽然下沉淵驚飈接我出故歸彼中田當南而
更北謂東而反西宕宕當何依忽亡而復存飄飄周八
澤連翩歷五山流轉無恒處誰知吾苦艱願為中林草
秋隨野火燔麋滅豈不痛願與林葉連

北上行

李白

北上何所苦北上緣太行磴道盤且峻巉巖凌穹蒼馬

足蹶側石車輪摧高岡沙塵接幽州烽火連朔方殺氣
毒劍戟嚴風裂衣裳奔鯨夾黃河鑿齒屯洛陽前行無
歸日返顧思舊鄉慘戚冰雪裏悲號絕中腸尺布不掩
體皮膚劇枯桑汲水澗谷阻採薪隴坂長猛虎又掉尾
磨牙皓秋霜草木不可食飢飲零露漿歎此壯上苦停
驂為之傷何日王道平開顏覩天光

樂府詩集卷三十三